

OMUKUETU

No. 3

Maart.

1954

AAHOLIKE JA KALUNGA.

Egongalo lja Kalunga mevi alihe ljaauambo no kUushimba.

Aakriste aakuetu, aahogololua, naaicanua naajapuki, naaholike ja Kalunga omolua Kristus Jesus Omua guetu.

(1 Kor. 1:2, Ef. 1:1, 1 Tes. 1:4, Fil. 1:1)

Eeno, aamuameme aaholike, inatu shi dimbueni, otse aahogololua naabolike ja Tate Kalunga ketu. Oje okue tu hogololele nuujuuki nuujaru i nuuvalua omolua Jesus Kristus uujuni manga iinau dikua, esilohenda nedina lje opo li simanekue. (Ef. 1:3-7) Jesus Kristus nokue tu kulila nombinzi je ondjapuki, tse tu oopalele Tate Kalunga ketu, tu mone ompito okuheda ku Tate nokutaambua kuje nokudiminua po oondjo detu, tse tu ninge shili aana ja Kalunga aaholike. (Gal. 4:4,5 Kol. 1:14, 19-23, Ef. 1:7, Hebr. 9:12-14, 10:14, 1 Joh. 1:7,9.) Ombepo Ondjapuki nokue tu icanica evangeli nokue tu hanganica ehanganu ejaupuki mejogo ljevalululo, omeshasho ejaupuki. (2 Tes. 2:14, 1Pet. 2:9, Gal. 3:26-27.)

Eeno, aakriste aakuetu tse mboka tu li meitaalo shili okuitaala Jesus Kristus, otse aana ja Kalunga aavalekeka, aakuagulu, aanegumbo ja Kalunga (Ef. 2:19, Filip. 3:20, Iil. 17:28.)

Muuvalua mbuka uukuagulu otu na ihe elaago enenenene nuujamba ualuluhe kau na mpo tau hulu po. Otse aakuashilongo sha Kalunga, aakuashilongo shesilohenda manga tu li moluendo nduka luoruujuni noonakucigulula oshilongo shuujelele no sheaadimo kecikilo ljetu. [1 Petr. 1:3,45:10, Room 8:17.]

Tu kaleni tu shi shi, elaago ndika nuujamba mbuka otu u na mu Kristus Jesus Omua guetu auike nomolue, omolu eku lilo kue li tu longekidile (Ef. 1:7.) Hamolu nuujuuki uetu, aue oshoka kau po no ua fonguo ja njata. (Room. 3:10-12, Tit. 3:3-5, Jes. 64:6.) Mutse jene otse aana jondjahi, nondjahi ja Kalunga taji kala kombanda jetu. (Ef. 2:1-3, Joh. 3:36) Ihe nuujuuki u'oopalele Kalunga otu u na mu Kristus Jesus no tatu u peua omaganu, oshalielela, Room. 3:22-24, 10:10-13)

Olje ta peua ihe nuujuuki mbu nelaago ndi nuujamba mbu uukuagulu? - - Atuhetuhe tue u longekidilua ku Jesus Kristus Omua guetu, oshoka „oje ekulilo ljoondjo detu, no ha detu atuke, aue, oduujuni auhe.” (1 Joh. 2:2.) Ano ongoka e na Kristus Jesus, oje omunelaago shili oshoka oje e na esilohenda lja Kalunga nedimopo ljoondjo omolu ombinzi ja Jesus Kristus. Na „nkoka ku nedimopo ljoondjo, oko ku nomuenjo nelaago.”

Eeno mu Kristus Jesus otse aana ja Kalunga shili naaholike ja Kalunga, tua hokiua ku Tate Kalunga ketu no tu na ompito okuheda koshipundi shesilohenda lja Tate Kalunga ketu. (Room. 8:14-17, Hebr. 10:19-25.) Aakuetu aaholike, elaago li cike peni tu li nal

Omukuetu ua njanjukilua tuu elaago ndika nuujamba mbuka?

Eeno, otau ku njanjuda shili, ngele ue u taamba. Ue u taamba tuu? - - Ngiika to ti: otau taambua ngini ano? Tala, ongele ua taamba Jesus omukulili guoje oua taamba elaago ndi kue li tu longekidile onokusa kue kuaa noondjo no nombinzi je ondjapuki. (Joh. 1:12,13.) Taamba, taamba shili Omua Omukulili guoje Jesus Kristus omeitedululo no moku mu inekela, ngu igandje, kuje. Itaala Omua Jesus, ngoje e to hupicua, ngoje muene negumbo ljoje alihe.” (Iil. 16:31, Mark. 16:16, Joh. 3:16, 1Joh. 5:11,12.)

Ihe uuvalua uetu mbu uukuagulu otu tu pula uo sha. Otou tu pula shike? - - Tangotango otu tu pula evuliko ljeitaalo. Tse aana ja Kalunga otu nokuvulika ku Tate Kalunga ketu no k'Omua Omukulili guetu Jesus Kristus no k'Ombepo ja Kalunga. Nehalo lja Kalunga ketu inali tu holekua, aue otue li hololelua moohapu da Kalunga. Ano oohapu da Kalunga odo tuu tu kaleni nokuipula nado kehe esiku noku di konakona, tse tu hale uo okuvulika kudo. Mevuliko tuu ndika tse no tatu koleke e tatu zimine okuicanua kuetu nokuhogololua kuetu. (2Petr. 1:2-12, 1Petr. 1:13-19, 22-25, 2:1-5, 9-12, Ef. 4:17-32, 5:1-20, 6:10-19, Fil. 4:4-7.) Eeno oohapu da Tate Kalunga ketu odo nadi kale onjeka jetu tuua puke mo mondjila, no nge tua puka, tu pukululue kudo tse tu ka cike kaandjetu megulu.

Tu dimbulukueni ihe, hatse atuke tua kulilua, hatse atuke tu holike ku Tate Kalunga ketu, hatse atuke a hala tu hupicue, aue, „Kalunga a hala aantu ajehe ja hupicue.” (1Tim. 2:3,4) Eeno Tate Kalunga ketu, Kalunga kesilohenda no kohole jaa nondjele, a hala aantu aakuetu ajehejehe ja hupicue jo ja mone omuenjo nelago ljaaluhe. Onke ano okue tu pe oshilonga oshinene noshuanaua, oshokutsejicila aantu aakuetu elago ndi nuujamba mbu tue u longekidilua atuhetuhe, Omua muene ta ti: „One oonzapo dandje - - sigo kooha duujuni.” (Iil. 1:8) „indeni nuujuni auhe, ne mu ka uuvicile aashitua ajehe evangeli.” (Mark 16:15.)

Ohole ja Tate no ja Kristus naji tu ciminike, tu icane aantu aakuetu, tse tu jakulacane shili, atuhetuhe tu cike kegumbo ljaandjetu megulu. (2Kor. 5:11,14, Kol. 3:12-17.)

Dika di taambeni ongomakundilopo gandje. Tate Kalunga ketu n'Omua Omukulili guetu Jesus Kristus n'Ombepo je Ondjapuki oje muene ne mu koleke meitaalo lja shili no mhole jokuholu Omua nguka, kua li e tu hole tango noku'igandja omoluetu, no mokuholacana. Omua muene ne mu njanjude nenjanju ljesilohenda no ljombili kehe esiku nosigo aluheluhe.

Ngame omuanjoko mu Kristus Jesus
nomundunduila omukueni mevi ndika ljuundjendi.
„Niikondo”

K. J. Petaja.

OSHAMBA NOMANDONGO TAA KUNDACANA.

Muujuni uotango, omua li aapangeli.
Oondjamba oonene oda ljaatilici,
Mambungu noonime otaa tuualala,
Miishitua iikuauo otaa simanekua,
Tua tala notua ti mbak' oj' aapangeli.

Muujuni ua landula omue ja lunkima,
Okashitua koondunge kashitua ka shitika,
Noonjala ota kuata ojana a kuiinina.
Tua tala notua ti ljoonjoka lja ts' oomba,
Nena ndjika lunkima a ning' omupangeli.

Muujuni uutitatu, omue ja aakuankala,
Je ja ja jooloka miishitua ajehe,
Omulilo guokutema otaa kuhulukua,
Oondunge nuunongo ongash' OKalunga,
Tua tala notua ti mbak' oj' aapangeli.

Muujuni uutine, omue ja oonuugueda.
Aantu ja Namukolo munene gua Shitenda,
Oje ja je niimuna noombuto taa kunu,
Taa pula omajana omo ja ka henjage,
Tua tala notua ti mbaka' oj' aapangeli

Muujun' uutitano mue j' aantu, aatokele,
Ja kuutumba metemba lja hilua koongombe,
Tue ja pula notua ti aajenda ja shike?
Oja popi noja ti ts'aajenda joomuenjo,
Tatu igid' ekulilo ljaashitua ja Kalunga.

Kehe ngo i itaale a nuk' ekelo ljeso,
Ta pitile meshasho a ka anduke momuenjo,
A kale mo aluhe, kee na mpo ta si mo ue,
Omuntu ngo ta dini ota kulukile mo,
Momakuni ga hanja lilo lja getukila.

Tua popi notua ti iipind' okutala,
Ngashika tamu popi tua hala okutala.
Ja ditula empunda mua z'omai giipango,
Omulongo ja Kalunga noohapuvaangeli,
Iipango otaji ti: Simanekeni Kalunga.

Ngu a shit' egulu nevi naantu niinamuenjo,
Tua popi notua ti milema kaleni po,
Nena ndjik' Omupangeli Onzigona ja Kalunga,
Ngok' a peu' epangelo megulu sig' Opevi,
Ta panga sig' aluhe aluhe sigo Ameni.

Sakeus Efraim.

Omulilo ogu nokukala meziko. Esiku limue, ngele tagu ijaka mo e tagu tameke okuhuamica iiti niibenguti noondunda ope noshiponga oshinene. Aantu oje nokukuga onkugo, oshoka egumbo tali pi. Omolua shike? Omolua shoka omulilo inagu kala meziko.

Omulilo guohoole ogu na uo okukala meziko, tashi ti: ogu nokupangelua. Ope nomagumbo moka ohoole oji ijaka mo me-pangelo ljaanegumbo noja ningi oshiponga. Ohoole ndjoka ja li ji nokunjanjuda aantu noku ja jakula, oja ningi oonkondo conene doku ja lungunica nokuli. Ngele itaa endebele okupopila egumbo ljauro, oljo otali lunguna po alihe.

Eziko ljomulilo guohoole oshike? Oljo uudiginini. Omusamane nomukulukadi manga taa diginimacana, ohoole jauo otaji pangelu naua notaji koleke egumbo ljauro. Ihe uudiginini ngele kau po e tapu holoka omuntu omutitatu pokati kauo, nena ope noshiponga nokuli. Egumbo tali pi. - Osho uo pokati kaakuluntu nojana. Aanona ngele taa diginine egumbo ljaandjauo je li hooole no taje li longele, nena ohoole jauo jokuhoalacana otaji koleke egumbo. Ihe uudiginini ngele ua kana naagundjuka taa tameke okuendagula komagumbo nomagumbo nohaa endacana naantu ji ili no ji ili, nena oshiponga opo shi li. Egumbo oli nokupopilua.

Meziko ohamu kala omasiga gatatu. No ngele ihapu telekua, onkene tuu ohapu kala oluindji iiti jeziko ji li po iitatu. Osho uo meziko ljuudiginini uohoole ohamu kala omasiga gatatu. Esiga limue oljo evuliko. Ekota ljoshinima shika oljo ndika, aantu ajehe ja vulike ku Kalunga. Ihe mboka ja vulika ku Kalunga ohaa kongo uo evulikacano mokati kauo. Shika itashi hulile mpoka, omusamane a vulikice aantu je ajehe kehalo lje, nando nasho uo otashipopilua mOmbibeli (Ef. 5:22.) Ihe evulikacano oljo ndjoka oojene jegumbo ajehe jaali ngele ja vulikacana pahapu dika: „Vulikacani mokutula Kristus“ (Ef. 5:21.) Nena omusamane oha vulika komukulukadi, nomukulukadi oha vulika komusamane, nojo ajehe jaali ohaje shi ningi meuvacano ljo-pahoolo, puua nehilacano lja sha.

Esiga ekuauo oljo eididimiko. Kape naantu auanaua ajeke. Omuntu iha lueda okupuka nokujona nokuli. Opo mpoka otapu pulua eididimiko, aantu jegumbo limue ji ididimikilacane, jaa tameke okuhanagula po egumbo ljauro nokukucacana po. Oohapu da Kalunga otadi ti: „Ididimikilacani, diminacani po oondjo, ngele mua ningacana nomukueni, ongashika Kristus e mu dimine po, osho nane uo mu ninge“ (Kol.3:13.) Omushigakano ngoka gu nokukala megumbo kehe ljaakriste, ngashi tatu shi imbi meimbilo 219:4, ogu na oluindji olupe nduka. Omuntu e nokuhumbata uuinaji uomukuauo ngoka ha kala naje. Ngoka ti ididimikile mpoka, oje omudiginini no ta popile egumbo lje.

Esiga etitatu oljo esimaneke llokusimanekacana. Isheue otu nokutja: shino itashi hulile mpoka, aantu jalue ja simaneke muene guegumbo. Aue, ajehe oje nokusimanekacana, ngashi oohapu da Kalunga tadi ti: „Mokusimanekacana pacaneni oshiholelua“ (Rom. 12:10.) Omulumentu ngoka ita simaneke omukiintu gue, ina guana okukala naje. Nomukiintu ngoka ita simaneke omulumentu gue, okua jono kehalo lja Kalunga (Ef. 5:24.) Aanona oje nokusimaneka aakuluntu jauo, ihe aakuluntu oje na uo okudimbulukua aanona jauo oje omagano je ga peua ku Kalunga. Aanona oje nokuputudilua Kalunga, oshoka oje aana ja Kalunga. Esimaneke li cike peni tali zi mpoka, aakuluntu nge taa diladila ojana oje aana jokombanda, aana ja Kalunga! Ihe mpoka pe nedinacano, opo omulilo guohoole gua dimi, negumbo alihe li li pokujonuka.

Omuua Jesus Kristus okue ke tu longekidila egumbo ljaaluhe megulu, moka ohoole ajike haji pangele mo. Omagumbo getu gokombanda jevi ogo oontanda adike moka tatu vululukua mondjila jetu jokuja megulu. Onkalelo jomugo oji nokuoopalekua ngaaka ji tu longekidile onkalelo ndijjaka jaaluhe megulu. Onkee otu nokuindila Omua guohoole oje etu tumine oohandje domulilo guohoole jaaluhe, tuua huhue muujuni mbuka uutalala.


Omukuetu, itonatela, ngu tonatele egumbo ljoje nenge ljaandjeni li kale uo li nomulilo guohoole meziko ljuudiginini!

E. J. P.

JESUS AUIKE.

„Nge tu li tse na Jesus kandi niimpuiju ue.“ Ngele ndi nuukolele uolutu, ondi na uo iimpuiju ojindji. Miimpuiju moka ondi na uo omainekelo ogendji tandi gi itungile mu ngame muene. Otandi diladila sigo tandi mono mpoka tandi kuacua shontumba noshongandi. Mboka tandi ji inekela, nge aakuluntu jandje, nge aamuameme nenge ookuume nopamue oonkondo dandje muene nokuli, eeno, jamue taa pe ndje tuu sha ihe miinima ojindji otaa njengua.

Jesus ita njengua kusha. Oje Omuene guegulu nevi: Mat. 28: 18. Oje ngele a hala ote tu hepuluca, te tu gamene miiponga nomokusa. Mombete juuyu kape na nando gumue ta vulu okukuaca ndje ngele ita longicua ku Jesus. Omainekelo gandje agehe ndi uete kage na ue oshilonga. Meme nookuume kandje nge taa



ONGULU JETUMO KU HELSINKI.

Efano ndjoka tatu li mono kombanda jochapu dika, otali tu ulukile ongulu jetumo ku Helsinki. Aauambo ojendji oje shi shi oku nongulu ja tja ngaaka, ihe aashona ajeke oje ji mono nando mefano. Ngashingeji otua hala tu mu hokololele shoka shi li mo mongulu ndjoka.

Mongulu jetumo omu noshinjanga oshinene moka hamu gongala Euilikongundu lje hanganotumo lja Suomi. Oje aakuluntu jetumo mboka taa uuca epangelo ljongerki jaauambo no ljoshilonga shetumo ashihe kOuambo, kOkavango, ku Tanganjika, ku Israel no sigo ku Kiina. Mokati kauo omu naabisofi jatatu naasitagongalo aakuluntu naanandunge aanamadina. Omualu guauo ajehe kumue oguo 20.

Mongulu jetumo omu na uo oshinjanga shomukuluntu guetumo. Oje omuhongi Tuure Vapaavuori. Omasiku gamue ita aadika moshinjanga she, ihe te ende momagongalo gaasuoni nenge kiilongo nokuli omolu iimpuiju jetumo. Oku niilonga ojiindji. Omukulukadi gue nojana ohaa kala uo mongulu jetumo.

Pooha doshinjanga shomukuluntu ope noshinjanga oshikuauo, osho shomunjoli guehanganotumo. Omunjoli ngoka oje omusitagongalo Olavi Vuorela Oje uo omukuluntu guetumo pamue nomuhongi Vapaavuori. Omunjoli oha sile oombapila noombirive noontokolua oshimpuiju noku na uo omambo ogendji melelo lje.

Omunashimpuiju omutitatu e cike popepi na mboka jaali oje omuleli guiniue jetumo, omusamane Johannes Leivonen. Omusamane ngoka okua putudilua etokolo ljoohapu, onkee oje omunandunge nomudiginini.

Mongulu jetumo omu na natango iinjanga ojindji. Mu shimue otamu tumua aauvici ja ku uuvicile aakriste aasuomi jo je ke ja hokololele oshilonga shetumo. Moshikuauo ohamu njanjangidicua omambo taga hokolola etumo, ogo no taga halicua isheue moshinjanga oshikuauo. Oku noshinjanga shaajaluli jiimaliva mbjoka ja gongelelua etumo. noku noshinjanga moka hamu jakulua oombirive daauambo di lundulue moshisuomi.

Kohi jijnjanga mbika oku noondjugo dokupungula omambo niinima jilue, ngashi oku noondjugo dimue moka mua gongelua iinima joshuambo ji talike ku mboka je hooole oshilonga shetumo jo kaje na mpoka taa ka cika kOuambo kokuene. Oondjugo doka hadi icanua „museum“. Nge to ji mo mu jimue jomudo, ongoje ua fa ua ciki koshinjanga sha Nakambale kanene kOlukonda, oshoka omua gongelua iinima je nomambo ge.

Kombinga jimue mongulu jetumo oku nongerki haji gongala aantu mosondaha kehe no moshiviike uo. Kohi jongerki okua tungilua oshinjanga oshinene tashi vulu uo okujakula moshilonga sha fa shongerki. Omo tamu gongala uo mboka taa longo iinima taji landicilua etumo opo li mone iimaliua ja guana.

Kombanda kashona oku noskola moka hamu longua aatumua aape, manga inaa tumina kOuambo nenge kiilongo jilue. Naale okua kala uo oskola jaamati nojaakadona, ihe oskola ndjoka oja tungilua ngashingeji ongulu jajo ompe palue.

Koombinga dimue oku na natango oondjugo dokulala nelugo noshililo oshinene. Nani iinima ojindji oja guana mongulu jimue, na ajihe mboka otaji lalakanene oshinima shimue oshinene: evangeli lje hupico li uuvicilue iiguana ajihe. Otatu vulu okutja: moongulu adihe doku Helsinki ongulu ndjika ojeni. Galikaneneni ano mboka haa longo mo, oshoka oje aakuluntu jeni naajakuli uo jeni.

dimbulula oshipala sheso taa kanduka po pungame. Oje pamue naapangi jandje aahoolike taa nik' oluhodi nge taa dimbulula ja fa itaa vulu sha. Opo mpoka Omukulili guandje ti iholola noonkondo nohoole je, e tu kulile: Ha koonkondo domuntu ihe omedina ndika: „Jesus“: Iil. 4:12. Jesus auike ta kala pungame nopokusa.

Omuamememe omuhoolike, otatu kala nalje pecimbo ndjoka nge tatu lala mombete jetu jahuginina ngele uaa na Jesus? Otatu talalekua kulje nge tatu kuatua kuupju uesto? Nenge tatu haluka ouala nokulila! Eso li na Jesus oljo oomposi oontalalelela.

Okune aahoolike amuhe mboka mua dimbulukua ndje moka-imbo kuuehame tandi tumu omakundilo ngaka. Kalunga na hambelelue mejakulo ndika ljeni.

Komukueni moshilonga

Liina Mpanda.

OUNJUNI TAU HAPULA SHIKE

Oshikungulu shidjuulela mu Europa.

Manga fje moilongo ei jetu jomu' Afrika otu nokuenje, mu Europa omu nokufu. Okufu kuomu Europa okudjuu, oku noutalala uhapu noku na jo oikungulu idjuu.

Pehovelo la Januarie opua tukuluka oshikungulu shidjuulela osho sha longa oihuna unene mu Europa lokouninginino. Pamue noshikungulu odula je uja noja loka olumi (sneeu, in kristalvorm bevrise waterdamp wat in spierwit vlekke neerval) ihapuihapu ja fitika eendjila dolutenda noitaua jomatukutuku. Omashina olutenda nomatukutuku inaa dula okuenda. Oilongo ojo jo hai kala ji he noutalala uhapu unene, oja hangika koshikungulu osho sholumi. Ngashika eenhele dimue domu Italie odo da ninga eedula 25 odula inai lokela ko olumi, oda tuvikilua paife kolumi Edu alishe la Frankryk nosho jo onhunhu ja lukua Korsika ji li m'Efuta lopokati (Middellandse See) oja tuvikilua kolumi. Eeskepa da hangika di li m'efuta oda dengu shili naji koshikungulu osho. Na konjala eendama dokominghulo da Engeland no Belgie oda da tungua di amene omikunda da filuka di li p'efuta, oda mono vali oshiponga, ngashi eendama dihapu unene domu Nederland oda njonua po komeva momudo 1953. Eenhunhu da Griekeland oda jelulua nosho jo mu Engeland nomu Belgie omikunda dimue oda jelulua. Moilando imue mua li mu nomeva mahapu; ovanhu va dula okuenda noutemba ashike. Oshikungulu eshi sha. tukuluka ngaha keembinga neembinga osha njona po oinima ihapu shili novanhu jo vamue ova etelua kusho oshiponga shefjo

Eloolo mu Union.

Mu Union keembinga diimue ovanhu ova mona oilja ihapu Oilja ojo ja monika iualela ali.

Ovalaule vomedu la Njassa otava longua okufila omapja avo oshisho.

Omupangeli omutiliane uomedu la Njassa okua totifa enongelo lotete lomedu olo lokunongekela mo ovalaule okufila omapja oshisho. Moskola ojo tamu nongekua epalulo lomajja neenghedhi diua dokulonga omapja nouteku okutekula oimuna. Ovanamajja nomalenga jo haa longua moskola ojo. Ovakainu jo hava taambulua.

Suomi.

Momanongelo onunona omo Suomi omu na paife ovanongekua ve fike po 517400. Omanongelo ovene oo e li ko paife e fike 2354 novalongi ve fike po 22384. Ounona ovo ve li momanongelo nge tava tukululua ovalongi ovo ve li mo, omulongi keshe ota mono ovahongua ve fike po 24.

Oshilonga shetumo sha longa eedula 75 mu Kongo.

Ovalaule ve fike po 25000 vomu Kongo sha Belgie ova ongala momafiku aa koshivilo shavo shinene shetumo. Oshivilo osho sha li oshivilo shebamblelelo okuhambelelela Kalunga eujo

OKUGANDJA OTAKU ETA EJAMBEKO.

Omusitagongalo gumue omusuomi a longo omimvo odindji mu Amerika, ihe momuvo gua piti kua jile mu Suomi nokua hokololele aasuomi cmagongalo gomu Amerika. Oje ota ti ngeji

Momalongelokalunga omu naagundjuka ojendji. Naalumentu ojendji omo je li uo. Ongalo ojo oshitopolua shimue shomelongelokalunga - ongalo taji gongelelua Kalunga ha aantu. Aajakuli sho je ji gongele otaje ji eta poshijambelo nomusita te ji jameke ji longicue mosilonga shOmua. Iimaliua ajihe egongalo tali ji pumbua otali ji peua mongalo. Mu Desember kehe omumvo omukuanegongalo kehe ta tuminua ombapila moka ta njolele mo omagano ge cike peni oje ota ka gandja momuvo tagu ja. Ombapila ndjika omuntu te ji fala ihe komuntu nguka ta siloshimpuiju iiniue jegongalo. Je ta peua ku nguka uumpunda 25 (pamualu guivike jomuvo gumue. Nokampunda kamue taka tulua mongalo kehe.) Nomokampunda kehe omu nonomeri jomuntu nguka. Iimaliua sho ja jalulua omualu guajo otagu njolua ihe membo. No pehulilo ljomumvo omuntu ngele ina gandja pauvaneke lje, ota tuminua etsejicilo ljongunga je.

- Ongerki jomu Amerika oja longo oshilonga oshinene sho ja longo aantu okugandja nenjanju nehalelojambeko. Aagandji oja dimbulula nkene mokugandja jo jene ji imonene ejambeko ljOmua enene.

Omusita ngu ta tsikile ta ti: Onda dimbulukua omusamane

lovahongi ovajevangeli mu Kongo. Opuu pita paife eedula 75, omuhongi uotete omuevangeli eshi a fika mu kedu olo nokua hovela oshilonga shetumo. Kalunga okua punika shili oshilonga shovahongi ovaevangeli mu Kongo Paife, konima jeedula odo 75, mu Kongo omu novakriste ovaevangeli ve fike po 1200000 novafitaongalo ovalaule ve fike po £00.

Ovapangeli vomu' India itava kecele oshilonga shetumo.

Tua k.ndana luhapu nokuli eenghundana de tu nikifa oluhodi kutja ovahongi va fa itava pitikilua vali okulonga oshilonga shetumo medu la India. Ndelene omukulunhu umue uomovakulunhu voshilongo okua holola momafiku aa moshiongalele shimue kutja epangelo la India itali ka kelela nande ovahongi okulonga oshilonga shavo.

Tibet.

Tibet olo edu linene mu Asia la shaama na India na Kiina Edu olo inali shiivika manga ngashika omadu makuauo omounjuni. Kaku na nokuli edu likuauo li li ngaha inali shiivika ngashi Tibet. Ovanhu vomoilongo ikuauo itava mono omhito jokuja mo. Ovahongi jo inava mona naua omhito, va longe ko oshilonga shetumo. Ovanhu vomu' Tibet ovapaani. Vahapu vavo hava longele oshikalunga sha lukua Budha.

Kolumbia.

"Omukuetu" okua hokolola shito, numbi mu Kolumbia, mu Suid-Amerika, ovakatoli ve li po tava hepeke ovakriste ovaevangeli. Ndelene paife elunduluko le uja. Opuu totua omango jepangelo ojo tai pe omunhu keshe epitikilo okudiiinina eitavelo laje. Itashi dulika hano vali, omunhu a hepekelue eitavelo laje. Eshi tashi ti: eengerki dikuaevangeli di li ko otadi dulu okutui-kila paife oshilonga shado nombili

Ombili jokrimesa m'Edu Lijapuki (mu Palestina).

Ovakulunhu voshilongo sha Israel novakulunhu voshilongo sha Jordania ova uudafana kutja momafiku a krimesa ovakriste ovo ve li mu Israel va pitikilua okutauluka nhaululi ji li pokati koilongo ojo, va ka tale eenhele dijapuki di li mu Jerusalem shikulu shi li kombinga ja Jordania. ova pitikilua jo va je fijo ku Betlehem, va uude ko omambo mongerki ia tungilua va ti ponhele joshiunda shinja shoimuna omu Jesus Kristus, Omukulili uetu a dalelua mo.

Israel.

Mu Mei 1953 ovanhu vomu, Israel ova li ve fike po 1,646,000. Mu Israel omu na natango ovajarabi jo, ndelene ovo ve he shi vali vahapu. Omuvalu uovajuda paife u fike po 1,465,000. Konj la ovanhu aveshe voshilongo ovajuda hano. Ovakriste vomu' Israel paife ve fike po 40,000, vahapu vavo ovajarabi. Ovakriste ovajuda kave shi vahapu manga.

gumue edina lje Mikko. Esiku limue Mikko a tameke okujemata sho kua dimbulula iimaliua je ji li pokupua po. Nopo mpoka sho kua konakona oshinima shoka, a dimbulula ina tula mongalo ngashi kua li e nokutula mo. Oshiponga sha li mpoka shoka, a tula iimaliua mu bank. Okua ji nokuendelela mu bank, a kuca mo iimaliua je noku je gandja ketumo ljomu India. Ano okue shi ningi manga kua li a hepa. Ihe okua mono mbala Kalunga nkene kue mu jambeko miinima ajihe. Eeno, oohapu doka di li mu Mat. 3: 10, oda tsa nonena. Nejambeko ndjoka itali ningi ljomuntu nguka gumue auike ta gandja ihe oljoshiguana ashihe.

Aantu sho ji ilongo okugandja nena egongalo nando nali kale eshona ihe otali vulu okuitungila ongerki nokufuta omusita gualjo nokugandja uo ketumolonga miilongo jokokule.

Aantu ne, inatu haleni okugandja ngeji nuumvo oshilonga shOmua shi tane notse jene noshiguana shika shi mone ejambeko olindji.

Omua ite ja oku ku lombuela: „Ila u landule ndje, opo ndi ku pe elago manga u li kombanda jevi ndika." Oje ota ti: Kondjeni mu je mo moshelo sha cinana." Uukriste kau shi okukamutumba kiipundi jongerki nokuimba omaimbilo noku tedateda egulu. Eitaalo ljomukriste oljo ehala ejapuki ljokukondja tali uudica omuenjo aguhe.

Ngele ino hala eitaalo lja tja ngaaka, nena u na okulaleka Kristus.

Frank Mangs.

O K A A N D J E T U

OONKUNDANA.

TUA TALELUA PO.

Aasitagongalo mboka ja kala ecimbo ele moshilonga oja peua ompito omumvo 1954 ja kale moskola jetsiki'o kOnajena ojo: Simson Shituuu, Sakeus Iihuhua, Malakia Ntinda, Pinehas Kau-bonde, Johannes litope, Andreas Kantalelo, Vilho Kaulinge, Natana-el Kapofi, Sem Kaukungua, Paulus Nailenge, Mika Shifula, Erastus Shilongo, Paavo Nambundunga, na Paulus Shijagaja. Omagalikaneno gomagongalo nage ja humbatele koshipala shOm-ulongi omunene Ombepo Ondjapuki ngoka ta vulu okuegulusa okutsi ongula kehe opo ju uve pomukalo guaalongua.

Manga oja je li moskola omagongalo taga jakulua ngeji: Olukonda ku Herman Sakeus metonatelo lja Leonard V. Auala, Onajena ku Markus Amushila metonatelo lja W. Kivinen, Oshitaji ku Johannes Ekandjo metonatelo lja L. V. Auala, Ohalu-shu ku Paulus Munalje, Ongenga ku Tomas Tuutaleni metonatelo lja Andreas Mungungu, Onguediva ku J. Marttunen, Elim ku Naftali Amadila na Timoteus Andreas metonatelo lja Tomas Shikongo, Oshakati ku Johannes Shifiona metonatelo lja Elia Haipinge, kUukualuudi Henok Haufiku na jakule ko. Ombalantu ku Tiitus Heita metonatelo lja T. Saarinen, Omundaungilo ku Josua Hanjango, Ondobe, ku Simson Ndatipo metonatelo ljaasita jomE-ngela, Edundja ku E. Hynonen. Kalunga Tate na jambekice omagongalo kejakulo ljaasita mboka, je ne ja pe Ombepo juuladi nojohoole.

LUDERITZ. Moshivike oshitijaali sha Januari mu Luderits mua ningua oshivike shOmbibeli. Manga oshigongi inaashi tame-ka aantu ja kumagidua ja etelele moshigongi Omatestamenti gauo jo ja konge eha ndjoka tali tiua li kongue. Aamati auuambo jomehalakano ja gongala nomambo gauo. Oshigongi sha tamekua kehe esiku etata ljetundi onti 7 luopeningino ljetango. Aalongi naakuluntu jegongalo ja gongala ko esiku kehe, ihe aakuanegongalo jamue jamue ajeke ja holoka, aakadona jatatu konjala esiku kehe naakulukadi jaali siku limue gumue. Omuua Kalunga okue tu popica moshigongi shika. Otundi johugunina metitano oja li po: „Epangulo lja hugunina.” Ombepo Ondjapuki e tu ulukile omuntu ngoka ta pangulua paailonga je kee na mpoka ta ka hupicua, ongoka auike oondjo de adihe da tendua nombinzi jOnzigona, onke ehupico ljetu mepangulo okesilohenda alike omolu ekulilo ljomu Jesus Kristus.

SWAKOPMUND. Aaeangeliste auuambo mboka taa longo mUushimba maauambo jomehalakano oja ningilua oshigongi shauo shoku ja tsa omukumo nokupukululacana piinama ji ili no ji ili jomoshilonga. Oshigongi shika osha ningilua mu Swakopmund 22/1-29/1 54. Aaeangeliste mboka ja holoka ko jahamano ajeke jaali ja kuatua komaimbo. Mboka ja jakula moshigongi oja: Eerw. Kuhles nomukuluntutumua B. Eriksson, V. Kaulinge, na E. Angula. Oshipopiua kehe sha peua omutamekici, konima jokupopja kue kua landula ekundacano ljaa shoka shu uvicua. Oshipopiua kehe ejambeko lje tu kuata nge pecimbo ljomupopi nenge ljoonkundacana. Uunene uoshilonga nuujapuki uasho ue tu tilica, muunjengui nomuunkundi uetu ouindji tua tsoongolo okacimbo nokacimbo koshipala sha nguka omuicani guetu e tu pe oonkondo de. Otua njanjudua shono tua mo-no Omua okua egululile osheelo oshilonga shika shejakulo ljaau-ambo jomehalakano, shaa mpoka pua fa pua pumbua omueva-ngeliste, ihe tui ikuata komilungu aaeangeliste oja pumba. Aaeangeliste ja tumbula; otua pumbua okuningilua iigongi tu tsuue omukumo no tu pukululue, otu li mekonjo edigu tali mana po oonkondo, moshigongi shika tua peua oonkondo oompe!

Ongulohi kehe mongerki jomu Swakopmund pomasiku go-shigongi shaaeangeliste okua kala oshigongi moka aakuanegongalo ja uvicilua oohapu dehupico. Ongulohi kehe omuevange-liste a tamekica oshigongi nomusitagongalo gumue a hulica. Oo-teksti oda kucua mEhololo moombrive dijaka domEhol. 2-3 doka Omuaa Jesus okue di popicica omagongalo gomu Asia nongerki je ajihe kombanda jevi sigo komahulilo gomacimbo. Auuambo jomiilonga ongulohi ja gongala ojedji, ihe aakali mo aashona moshigongi shika omua holoka ouala omukulukadi gumue. Etumbulo: „Ngoka e nomakutsi gokuuva na uve shoka Ombepo te shi lombuele omagongalo” lja uvika isheue na isheue. Eeno Ombepo okua popi shili mu Swakopmund, kaku na ngoka ta vulu okuipopila, inandi shi uva. Iigongi mbika ja hulu 29 1 54 ihe Ombepo Ondjapuki oshilonga shajo inashi hulila mpoka otaji shi tsikile moomuenjo daantu, shila omuntu ngoka te ji „dima” omuje oshilonga shOmbepo sha hulu., Ombepo inamu ji dima!” Efraim Angula.

KOTOKELA ELAKA LJOJE.

Aamati mboka taa endicua kodila okuza ku Oranjemund, esiku limue okua zi osheendo shimue she ja mu Grootfontein oja keula no ja ti:

Shono tua ji modila mono Kalunga otua li tue mu talela pevi je okua'li ta hambula iikogo jomvula. Jamue oja ti isheue odila jetu oja tuka lela muujanda uomusamane Kalunga.

Ehokololo ndika otali tilica shili ihe nando ongeji, itaku ka za ue gumue te tu igidile eitedululo no te tu kolekele meitaalo ngashingeji tu li metegelelo ljoMuua Jesus ta galuka. Onkene natu kotokele elaka ljetu opo kaa li tu pece oombedi. Auuambo aakueta tu kotokeleni omalaka getueni.

Nomakundo gombili ku mboka hamu tila Omuaa no hamu mu icana noomuenjo da jela.

F. Andreas
Grootfontein.

Onda jangele kelundu. Onda mono aalumentu jaali ja zala oonguo oontokele ngashika aahona haa zala. Gumue muaambo-ka omule, omukuauo omufupi kashona. Oje li po taa endaenda no taa lengalenga no taa kundacana - inandi uuva oobapu dauo, shoka nda li kokule kashona. Ihe kandi shiuo oshike sha tame-ke okuhila ndje, ndu uvite ndi noku ja tala oja oolje no je na shike shokutala mpaka. Sho nde ja popepi onda haluka. Ojo ja fa inaa mona ndje, nenge oja li po inaa hala ndje, ualjoo, ihe shoka sha halukica nde - aalumentu sho nde ja tala - oja oonakusa omukuaniilua Martin na Shongola!

Onda tameke oku ja landula. Ojo oja popi elaka nda li kandi li uviteko, ihe oja uvacana naua, kaku li nando omutolokeli. Ojo ja tala omapja, no ja njanjukua omapja sho ga ziza naua naua. Ihe mbalambala ehaluko mumue nuugeji ua holoka miipala jauo. Oja mono shike shoka she ja gejica ngeji? Na ngame nda punguluka ndi shi mone. Opuu li omilunga o-dindji da dipagua kuoha domapja, nomulumentu nima - inandi hala okutumbula edina lje - okua li po ta longo oshilonga she oshiinaji shokulenga omeja giijaale!

Iihuna! - Oonakusa oja heda komulumentu, nuugeji uauo ua huama. Omukuaniilua Martin a fa a hala, okudenga omulu-mentu noshipokolo. Shongola sho a tala omaemele gu uuda omeja giijaale a fa a hala oku ga canga ga tike Oji injenge ngeji noku-li. Omulongi nguka ina dimbulula sha, kua fa ine ja mona. Ongame no nda tala nokukakama no nda tameke okuiigida: koto-ka! ihe eui ljangje inali za mo mokana kandje. Mokukakama kuandje onda papuduka onda fuda muule - Ondjodi nda mono.

OKUGANDJA.

Megongalo limue ljokOuambo omuuvici guontumba okua uvica oohapu di li mu 5 Mos. 26: 1-2, moka a popi nkene Kalunga a uuca oshiguana she shi gandje iitimulongo. Omuaa Kalunga oja a popi a ti., Eteleni ongulu jandje omagano, ndi mu jambeke. Omuuvici nguka okua tala aakuanegongalo noku ja uvitila ohenda: Sho kua jeleke nomagongalo omakuauo, oje a ti: pamue otaja ka pitililua po komajambeko ga Kalunga sho ta jambeke mboka ja gandja iitimulongo jomomaliko gauo. Oshoka oje sho a jakula omagano goongalo doosondaha adihe domomu-vo, okua dimbulula aakuanegongalo oja li ja gandja omuvo aguhe 1953 £12 8s 6 d. joongalo doomuedi; manga a mono omagongalo gaali ga gandja £9; £10 mOsondaha jimue ajike. Oje okua tenge-neke kutja omagongalo ngaka gaali, ando oga gandje ngeji momuedi kehe; nena engongalo ndika ljauo oli vulike komagongalo ngaka gaali £96 nenge £98.

Omuuvici nguka oti indile Kalunga a jambeke aakuanegongalo mboka ja gandja £12 8s 6 1/2 d. moongalo doosondaha omu-vo aguhe.

M. Kristian.



kOndobe:

Priskila Bungu a si 8. 1. 54.
Vilho Lot a si 28. 1. 54.
Erastus Sakaria a si 3. 2. 54.
Mateus Erastus a si 12. 2. 54.

kOnjaanja:

Stefanus Amagulu a si 2. 1. 54.
Marta Kandjeke a si 9. 1. 54.
Paulina Teodor a si 11. 1. 54.
Eva Nguali a si 14. 1. 54.

kOniimuandi:

Loise Ndamangululua ja Mumbala a si 18. 1. 54.
Linea ja Shigueda a si 14. 1. 54.

kOshitaji:

Maria ga Sakaria a si 5. 1. 54.
Josefiina Ekandjo a si 4. 1. 54.
Selma Sakaria a si 11. 1. 54.
Jakobina Namuandi a si 15. 1. 54.
Ananias Reinhord a si 20. 1. 54.
Mart Pinehas a si 28. 1. 54.

kOKANKOLO.

Julia ua Kristiana a si 12. 1. 54.
Toini ja ligulu a si 6. 1. 54.